

Directions: Print this out and bring it to class so we can use it for sight reading. At home, reread the portions we did in class and finish anything we didn't do together.

Aeneid IV.288-308

Mnēsthea Sergestumque vocat fortemque Serestum,
classem aptent tacitī sociōsque ad lītora cōgant,
290 arma parent et quae rēbus sit causa novandīs
dissimulent; sēsē intereā, quandō optima Dīdō
nesciat et tantōs rumpī nōn spēret amōrēs,
temptātūrum aditūs et quae mollissima fandī
tempora, quis rēbus dexter modus. Ōcius omnēs
295 imperiō laetī pārent et iussa facessunt.
At rēgīna dolōs (quis fallere possit amantem?)
praesēnsit, mōtūsque excēpit prīma futūrōs
omnia tūta timēns. Eadem impia Fāma furentī
dētulit armārī classem cursumque parārī.
300 Saevit inops animī tōtamque incēnsa per urbem
bacchātur, quālis commōtīs excita sacrīs
Thyias, ubi audītō stimulant trietērica Bacchō
orgia nocturnusque vocat clāmōre Cithaerōn.
Tandem hīs Aenēān compellat vōcibus ultrō:
305 “Dissimulāre etiam spērāstī, perfide, tantum
posse nefās tacitusque meā dēcēdere terrā?
Nec tē noster amor nec tē data dextera quondam
nec moritūra tenet crūdēlī fūnere Dīdō?

Directions: Print this out and bring it to class so we can use it for sight reading. At home, reread the portions we did in class and finish anything we didn't do together.

Aeneid IV.309-330

Quīn etiam hībernō mōlīri sīdere classem
310 et mediīs properās Aquilōnibus īre per altum,
crūdēlis? Quid, sī nōn arva aliēna domōsque
ignōtās peterēs, et Troia antīqua manēret,
Troia per undōsum peterētur classibus aequor?
Mēne fugis? Per ego hās lacrimās dextramque tuam tē
315 (quandō aliud mihi iam miserae nihil ipsa relīquī),
per cōnūbia nostra, per inceptōs hymenaeōs,
sī bene quid dē tē meruī, fuit aut tibi quicquam
dulce meum, miserēre domūs lābentis et istam
ōrō, sī quis adhūc precibus locus, exue mentem.
320 Tē propter Libycae gentēs Nomadumque tyrannī
ōdēre, īnfēnsī Tyriī; tē propter eundem
exstīnctus pudor et, quā sōlā sīdera adībam,
fāma prior. Cui mē moribundam dēseris, ---- hospes
(hoc sōlum nōmen quoniam dē coniuge restat)?
325 Quid moror? An mea Pygmaliōn dum moenia frāter
dēstruat aut captam dūcat Gaetūlus Iarbās?
Saltem sī qua mihi dē tē suscepta fuisset
ante fugam subolēs, sī quis mihi parvulus aulā
lūderet Aenēās, quī tē tamen ōre referret,
330 nōn equidem omnīnō capta ac dēserta vidērer.”

Directions: Print this out and bring it to class so we can use it for sight reading. At home, reread the portions we did in class and finish anything we didn't do together.

Aeneid IV.331-350

Dixerat. Ille Iovis monitis immota tenēbat
lūmina et obnixus cūram sub corde premēbat.
Tandem pauca refert: “Ego tē, quae plūrima fandō
ēnumerāre valēs, numquam, rēgīna, negābō
335 prōmeritam, nec mē meminisse pigēbit Elissae
dum memor ipse meī, dum spīritus hōs regit artūs.
Prō rē pauca loquar. Neque ego hanc abscondere fūrtō
spērāvī (nē finge) fugam, nec coniugis umquam
praetendī taedās aut haec in foedera vēnī.
340 Mē sī fāta meīs paterentur dūcere vītam
auspiciīs et sponte meā compōnere cūrās,
urbem Troiānam primum dulcīsque meōrum
relliquiās colerem, Priamī tēcta alta manērent,
et recidīva manū posuissem Pergama victīs.
345 Sed nunc Ītaliā magnam Grŷnēus Apollō,
Ītaliā Lyciae iussēre capessere sortēs;
hic amor, haec patria est. Sī tē Karthāginis arcēs
Phoenissam Libycaeque aspectus dētinet urbis,
quae tandem Ausoniā Teucrōs cōnsīdere terrā
350 invidia est? Et nōs fās extera quaerere rēgna.

Directions: Print this out and bring it to class so we can use it for sight reading. At home, reread the portions we did in class and finish anything we didn't do together.

Aeneid IV.351-372

Mē patris Anchīsaē, quotiēns ūmentibus umbrīs
nox operit terrās, quotiēns astra ignea surgunt,
admonet in somnīs et turbida terret imāgō;
mē puer Ascanius capitisque iniūria cārī,
355 quem rēgnō Hesperiae fraudō et fātālibus arvīs.
Nunc etiam interpretēs dīvum Iove missus ab ipsō
(testor utrumque caput) celerīs mandāta per aurās
dētulit; ipse deum manifestō in lūmine vīdī
intransentem mūrōs vōcemque hīs auribus hausī.
360 Dēsine mēque tuīs incendere tēque querēlīs;
Ītaliā nōn sponte sequor.”

Tālia dīcentem iamdūdum āversa tuētur
hūc illūc volvēns oculōs tōtumque pererrat
lūminibus tacitīs et sīc accēnsa profātur:
365 “Nec tibi dīva parēns generis nec Dardanus auctor,
perfide, sed dūrīs genuit tē cautibus horrēns
Caucasus Hyrcānaeque admōrunt ūbera tigrēs.
Nam quid dissimulō aut quae mē ad maiōra reservō?
Num flētū ingemuit nostrō? Num lūmina flexit?
370 Num lacrimās victus dedit aut miserātus amantem est?
Quae quibus anteferam? Iam iam nec maxima Iūnō
nec Sātūrnus haec oculīs pater aspicit aequīs.

Directions: Print this out and bring it to class so we can use it for sight reading. At home, reread the portions we did in class and finish anything we didn't do together.

Aeneid IV.373-392

Nūsqvam tūta fidēs. Ēiectum lītore, egentem
excēpī et rēgnī dēmēns in parte locāvī.

375 Āmissam classem, sociōs ā morte redūxī
(heu furiīs incēnsa feror!): nunc augur Apollō,
nunc Lyciae sortēs, nunc et Iove missus ab ipsō
interpres dīvum fert horrida iussa per aurās.

Scīlicet is superīs labor est, ea cūra quiētōs
380 sollicitat. Neque tē teneō neque dicta refellō:
ī, sequere Ītaliā ventīs, pete rēgna per undās.
Spērō equidem mediīs, sī quid pia nūmina possunt,
supplicia hausūrum scopulīs et nōmine Dīdō
saepe vocātūrum. Sequar ātrīs ignibus absēns

385 et, cum frīgida mors animā sēdūxerit artūs,
omnibus umbra locīs aderō. Dabis, improbe, poenās.
Audiam et haec mānīs veniet mihi fāma sub īmōs.”

Hīs medium dictīs sermōnem abrumpit et aurās
aegra fugit sēque ex oculīs āvertit et aufert,
390 linquēns multa metū cūctantem et multa parantem
dīcere. Suscipiunt famulae conlāpsaque membra
marmoreō referunt thalamō strātisque repōnunt.